

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO.40 6th October 2013

Chhiatni Fund ₹ 100-in Khawn Nawn Dawn

Chanmari West, 6th October, 2013 : Ni 1.10.2013 (Thawlele) zan khan Pu Lalchhanhima inah Branch Executive Meeting neih a ni a, he meeting hian kumin chhunga Chhiatni Fund luh dan leh hman dante an thlir a, sum hman ban a tlem deuh avangin chhungtinah ₹ 100 theuha khawn nawn leh nise tih a ni.

Branch Treasurer hnen aṭangin Chhiatni Fund dinhmun chiang taka ngaihthlak a ni a, January-September 2013 chhunga Chhiatni Fund dinhmun chu hetiang hi a ni.

i) Kum 2012 balance	-	₹ 37,940
ii) Kum 2013-a hmuh zawng zawng-	-	₹ 2,95,920
iii) Hmanral zawng zawng	-	₹ 3,17,562
iv) Hman bang	-	₹ 16,298

Kum 2013 January-September chhung hian kan veng chhungah mitthi 33 leh ruang thawn chhuah 5 kan nei tawh a, heng zingah hian tlaivarpu mi 19 an ni. Chhiatni Fund awmsa chu hman zawh thawkhat tawh a nih avangin chhungtinah Chhiatni Fund hi ₹ 100-a khawn nawn mai nise meeting chuan a ti a, section hravitate'n chhiatni fund hi an khawn dawn a, chhungtint'e'n kan mamawhna hriaa tlawmngaih chhuaha Chhiatni Fund hi lo pe theuh turin meeting chuan chhungtint'e ngen a ni.

Chhiatni Fund chungchang bakah hian thu pawimawh tak tak meeting chuan a ngaihtuah bawk a. October ni 15-17, 2013 chhunga 68th YMA General Conference, Khawbunga neih tura kan Branch aṭanga kal turte kal dan tur hetiang hian ruahmanna an siam bawk. Conference-a kal turte chuan kal man atan ₹ 300 thawh tur a ni a, ni 6.10.2013 ral hmain Branch Secretary hnenah pawisa hi theh leh vek tur a ni. Kan Branch aṭanga conference kal nan hian Bus pahnih hman tum a ni.

Kum 2015-a Silver Jubilee kan hman tur atana chhungtint'e hnena Fund khawn mek chu thlir ho a ni a, hetiang hi pawisa luh tawh dan a ni.

Section	Beisei zat	Hmu hmu tawh zat
Chawngbawla	₹ 72,800	₹ 53,900
Khuangchera	₹ 54,800	₹ 34,040
Neuva	₹ 40,400	₹ 9,700
Taitesena	₹ 60,700	₹ 34,800
Vanapa	₹ 56,400	₹ 56,850
Total	₹ 2,85,100	₹ 1,89,290

Silver Jubilee Fund hi November thla chhunga khawn fel turin meeting chuan a khawntu, section hravitate chu a ngen a ni.

Tin, October-December chhunga Branch OB-te section-a in charge-na tur hetiang hian siam a ni bawk.

Chawngbawla	Fin.Secy	Pu Lalriniana
Khuangchera	Asst. Secy	Pu RL Thanhnuna
Neuva	Treasurer	Pu R Lalhmachhuana
Taitesena	Secretary	Tv Zairemmawia
Vanapa	Vice President	Pu K Darthantluanga

Branch News

- Ni 2.10.2013 (Nilaini)-a Chanmari West MUP te'n Upate ni Indoor stadium-a an hmanah Branch President leh Vice President te an tel.
- Section tin ten Branch Budget ₹ 5,000 leh Silver Jubilee Budget ₹ 10,000 an tlak fel thei chu Branch YMA-chuan lawmawm a ti hle.
- Kum 2015-a Branch YMA-in Silver Jubilee a thlen tur atan bialtu MLA in ₹ 2,00,000(nuai hnih) Branch YMA a rawn hlan chu Branch YMA-in lawmthu a sawi.
- Central YMA leh Labour, Employment & Industrial Training Department buatsaiah Cement Mistiri Training buatsaihah Branch aiawhin Pu R Lalnunmawia N-Sect. leh Pu Thangsuanmanga CH-Sect. ten Training an nei mek a, hlawk taka hun an hman theihna turin Branch YMA-in duhsakna a hlan.
- Chanmari West MPF hnenah MLA intlan lo awm tur atan a tul leh mamawha hman atan Branch YMA chuan ₹ 1,000 a hlan.
- Ni 10.10.2013 (Ninga) zana Sipai Lammuala Mizoram Premier League Chanmari F/C leh Chanmari West F/C ten an khelh turah Chanmari West FC te chakna chang ngei turin Branch chuan duhsakna sangber a hlan.
- Tunlaiin vengchhungah rukruk a hlular hle mai a, chhungtint'e fimkhur tura ngen in ni.
- Branch YMA Zaipawlte Ni 7.10.2013 (Thawhtan) zan dar 8:00-ah Pu Lalmalsawma (Sena) inah hla zir tur a ni e.



TUNKAR CHANGVAWN

Lalpa chu fak rawh u, Pathian chu a hmu thianghlimah chuan fak ula, A thiltihtheihna boruak zau takah khian Amah chu fak rawh u.

Sam 150 : 1,2

Editorial Board

Editor:	R Lalrinngheta	9862358337
Joint Editor :	Lalchhandama	9862358347
	J Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K Lalremtluanga	9862119608
Cir.Manager :	Jacob Lalrinsanga	9612319779
Production Manager :	RL Thanhnuna	9436152760

Branch Office Bearer

President	C Lalzarliana	9436142049
Vice President	K Darthantluanga	9436196071
Secretary	Zairemmawia	9862385654
Asst. Secretary	RL Thanhnuna	9436152760
Treasurer	R. Lalhmachhuana	9436151817
Fin.Secretary	Lalrinliana	9862581814
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Article***Editorial :***

Kan vengin kawng hrang hrangin hma kan sawn zel a. Infiamna lamah leh zirna kawngah te, intihsiaikna hrang hrangah kan veng hming a lang ve ta zel mai. Hei hi thil ropui tak chu a ni ngei mai.

Hetih rual hian veng tana mi chhuanawm, mahni kawng zawna hlawhtlinna changtute kan chawimawi dan kawngah hian zir tur chu kan la nei deuhin a lang. Chhiat tawhna lamah hi chuan mi vengte fak der kan hlawh ve viau \hin, thui takin a dikna chen pawh a awm ngei ang.

Tuarte tuarpui; lawmte lawmpui hi kan tihtur a ni tih chu kan hria. Mahse, lawmte lawmpui lai tak hi Mizote hian kan tlakchham tak a ni awm e. Mi hlawhtlinnaah hian thinlung taka lawmpui hi harsa kan ti leh tlat \hin. Tin, a lawmpui dan kawng hi kan hiahchham fo mai.

Thil \ha lamah hi chuan mi veng leh mi khuate tihdan entawn hi hreh loh a \ha. Keimahnai tawka ruahmanna kan siam thiam chiah lo a nih pawh "Mite'n engtin nge an tih?" tia kan khawhawi kan tih zau deuh a \ul khawp mai.

Tunkar chu veng chhung \halaita zingah titi dang a leng meuh lo. CWFC in MPL khel tura an inbuatsaihna leh a \awiawm dan tur lam hawiin rilru a luah tlang a ni e. | ha taka khel turin duhsakna sang ber Editorial Board-in kan hlan e.

Nangni Nu leh Pate u.....

- J. Nanga

Nangni Nu leh Pate u, nangmahni avang hian Chanmari West hian Chanmari West a nih theih phah a, Aizawl vengah pawh vengropui leh lian pawl tak zingah min hlang kai a nih hi. He veng hi veng dang nu leh pate chuan lu phum nan a tha tiin an fak fo thin, chu chu nangni nu leh pate thawhrah leh inpekna vang a ni. Kan vengin chhiat that chungchanga fak kan hlawh vena chhan leh mi bula keini thalaite kan hmai a uan theihna chhan chu nangni vang chauh hi in ni. In din, in siam, he veng hian in hnathawh avang hian a chawimawi let ve fo reng che u a ni. Mahse inti teh ang, kan venga nangmahni thlah in fate vang hian a kawng zawh \thin chu a bosal ve \tan mek ni hian a lang a, siam that a ngai ta em ni?

Nangni pate u, in tlangval laite, pa in nih hun thleng pawh a, \awngkam mawi em em mai Tlawmngaihna chu thua sawi mai lo va, in lo nunpui \thin a nih kha. Mitthi an awmin mitthi inah rang taka tlanin in seng hawi a, hrisel loh chhuanlam tur pawh awm mah se lumen tur a nih chuan in tlai var leh mai a, tlaivar chungin thlan in la lai zui a, chumai ni lovin khawhar inah riakin khawhar chhungte \tanpui an ngaihna lai laiah in \tanpui \thin a nih kha. Tunah chuan khang ang zawng zawng hna \ul thawk turin in upain in tha a lo \thum ve tawh a, in tlin tawh bik lo a ni. Mahse, fapa, hetiang ti thei rual in neih chuan in lo tih tawh \thin ti tur hian tirh a hrehawm hauhin a rinawm loh. Pathian khawngaihnain in hun in la hmang liam ve ngei ang a, in fapate'n mi nu leh pa thlan an lai ngai lo a nih chuan tu fapa nge in thlan lai tura in beisei bik ang a, khawilam tlangval nge in lumen zana tlawmngai tura in beisei tak ang, tlangvalte tlawmngaihna chhuahna tur hi nangmahah hian a innghat a ni.

Nangni nute u, in nulat laia in lo beih nasatzia te, nula tlawmngai an sawi changa in hming an sawi rik nalh nalh \thinte kha chu hmanlai an chang

tawh a, tun hi chu in fanu hun a ni ve ta. Mitthi lumenna a kal tur te, thingpui lum leh sem turte khan tir chhuak hram hram la, mi dang tan malsawmna a nih kha; in tan a la rawn let leh mai dawn asin. Hmanlaia fanu nula tlawmngai leh fel miten an sawi changa ngaihnam in lo tih tawh \thin khan tunlaiah hian a la danglam vak chuang lo, chutiang hring tura beisei in ni a, chutiang ang ni lo hringtu nih chu in duh bik hauh lo vang, a la tlai lo a ni.

Nangni nu leh pate u, kan veng tan hian thil tam tak in pe tawh a, in thawk a, in thawh tawh bawk. Tun thleng pawh hian keini chu fiana chaw barh ngai ang chauh kan la ni a, in lak \atang hian beiseina nasa tak kan la nei reng a ni. In tha thawh tur chuan kan beisei ngam tawh lo che a, in tha tluk zeta chak in fate kha he veng hian a au a, a mamawh a ni. A zirna leh eizawnna tibuai khawp chuan kan beisei ngai lo va, amaherawhchu, an hun \tha ber dawt chu he veng hian a phut ve a, chu chu nangmahniah khan a innghat tlat a ni.

Nangni nu leh pate u, in hun a liam a, in fate hun a lo thlen tawh pawh hian kan aiin upain, hmanlai mi ni mah ula, kan aiin in fing a, in lo tawn tawh tam takte hi kan tan hian a hlu em em a ni. Hmanlai nun hre chunga tunlai hun nen in hmehbel thiam a, min hriat thiam pawh a ngai a ni. In hunlai angin khawtlangah pawh kan tihdan a inang diak diak tawh lo a ni mai thei. Ho in tih pawh kha kan lo tuipui viau mai thei bawk a, \ul lo in tih pawh kha \ul kan lo ti viau mai thei bawk a ni. Chuvang chuan in fate hnena hian nangmahni hrethiam turin min zirtir ula, tunhmaa in lo tlawmngaihna nun mawi taka nung tur khan min hruai ula, nangni lo chu hmachhuana kan nei lo va, nangni lo chu hmangaihnu pawh kan nei lo a ni. In fanu, in fate hi veng, khawtlang, ram leh hnam tana mi chenfakawm ni tura min beisei chuan chu kawng chu min zawhpui ula, kan kal zelna tur kawng min kawhhmuh ang che u.

Phek 3-na

Section Report/ Vengchhung/ etc.

6th October 2013

Chawngbawla Section

□ Ni 5.10.2013 (Inrinni) nileng khan High Field-ah Section Sports an nei a, Section YMA member leh YMA chhangte'n hun hlimawm tak an hmang.

□ Ni 8.10.2013 (Thawhleh) zan hian Section Committee thut an tum a, committee member-te hunawl lo insiam turin an inhriattir.

□ Pi Rebecca Lallianzuali W/o Vanlalchhuanawma (Toya) chu New Delhi-ah zai a ni a, dam taka an lo haw an duhsak hle.

□ Ni 28.9.2013 (Inrinni) khan bungbel enfel leh silfai hnatiang an nei a, tui phal taka hman tirtu Pu Pachhunga leh Pu H Zohmingthanga te chungah lawmthu an sawi. Tin, Pi Zohmingthangi (Nutei) w/o Dr. Tetea thingpui tui tak a lum sak avangin lawmthu an sawi bawk.

□ Kumin November thla tawp lam hian Veng pum huap (section wise ni lo) Beat Contest ropui tak buatsaih an tum a, lawmman tha tak siam an tum bawk a, a tui leh tel tumte chu lo inpuahchah turin an hriattir.

Khuangchera Section

□ Ni 3.10.2013 (Ningani) zan khan YMA RUN-ah meeting an nei a, thu pawimawh tak tak an rel.

□ Hruaituten Chhiatni Fund an khawn nawn leh dawn a, chhungtinte lo inringlawk tur leh hruaitute khawn huna lo pe theuh turin an inhriattir.

□ Ni 2.10.2013 (Nilaini) zingkar khan faina hnatiang an nei a, tlawmngaia thawkchhuak zawng zawngte chungah an lawm hle.

□ YMA General Conference, Khawbunga kal tumte chu Section Secretary hnenah a rang lama inhriattir tur leh a tam thei ang ber kal turin an insawm.

□ Ni 2.10.2013 (Nilaini) chhun khan MUP, Chanmari West Unit-ten Upa Ni an hmaniah sawhchiar an siam sak a, lawmthu sawi nana MUP-ten ₹ 1000 an pe chu an lawm hle.

□ An hruaitu Pu Jeho Lalhumhima nupui Pi Joel Lalparmaii damlo damdawi ina awm pawh dam taka a lo chhuak chu an lawmpui hle.

□ An member Pu Ramtharnghaka chuan Mizoram Volleyball

Inkhawmpuilianah Best Player chawimawina a rawn dawng a, an chhuangin an lawmpui hle.

Neuva Section

□ Ni 4.10.2013 (Zirtawp) zan khan Pasaltha Neuva In-ah meeting an nei a, thu pawimawh tak tak an rel.

□ Chhiatni Fund kan indaih dawn loh avangin chhungtinah ₹ 100 a khawn nawn leh a ni dawn a, chhungtinte lo inring theuh turin an ngen.

□ Ni 5.10.2013 (Inrinni) zingkar khan Thlanmuual hlui sam fai hnatiang an nei a, hnatiangcha chhuak zawng zawngte chungah an lawm hle.

□ Ni 6.10.2013 (Pathianni) tlai dar 3 hian Pasaltha Neuva In-ah duty turte kalkhawm vek turin hruaitute an inngen.

□ Pu Lalrohnuna (Bula) chuan Section tan Plastic no lian 3 leh Thingpui fe danna 1 a rawn pe chu an lawm hle.

□ Bialtu MLA Pu Lalthanzara chuan Silpauline tha tak a pe chu an lawm hle.

Taitesena Section

□ Ni 4.10.2013(Zirtawp)ni dar 1:00pm khan Lengpui Presbyterian Kohhranah an hruaitu Lalthlamuanpuii chuan khang a awih san.

□ Ni 1.9.2013 (Thawhleh) ni khan an Pu Lalmalsawma (Sena) te inah ruai leh thildang buaipui in hnatiang an nei.

□ Chhiatni Fund khawn belh tur anih avangin chhungtin te lo ngaipawimawh turin an inngen tak meuh a ni, hruaitute mahni bialah a rang lama lo khawn turin an inchah bawk a ni.

□ Y.M.A General Conference kan Branch aṭāṅga Item nei turte tha taka an neih theih nan duhsakna an hlan.

□ Silver Jubilee Fund khawn zo tawh ten a rang lama Pu R.L Thahnuna hnenah thehlut turin an inchah nawn leh a ni.

□ An Treasurer Pu RK Rozidanga eizawnna thila Lungleia zin pawh dam takin a lo haw leh thuai an beisei.

□ Chhungtinte mahni in leh a vel vawngfai turin an inchah.

Vanapa Section

□ Section hmalaknain Upa H Lalrawna kawtah Waiting Shed siam mek a ni

□ An hruaitu Pu Zairemthanga leh an member Pu T Zorampela te damlo, damdawi ina awm chu dam taka an lo chhuah leh thuai an duhsak hle.

□ Chhiatni Fund chhungtinah ₹ 100-in khawn nawn leh tur a ni a, chhungtinte lo pe theuh turin an ngen.

□ An member C Liandanga'n fapa thar duhawm tak a nei chu an lawmpui hle.

LUNGHLU ROAD

□ Ni 2.10.2013 (Nilai) zing khan motor kawng tura duan, la laih zawn lohte samfai leh sial thaing an hnatiang a, hnatiang an thawk chhuak thaing an hna an thawk zo thei a, hnatiangha thawk chhuakte chungah lawmthu an sawi.

□ Hmalakna kal chho meka hna hmua thawk leh turte, veng leh khawtlang, ram ro thil a ni thi hriaa tha taka thawk turin an ngenin an beisei.

□ Kawng laih tawhte motor kal theihna tura tuaihnumin tuiluankawr siam tura hmalak mek a ni a, kawng kama awmte lo insingsa lawk turin an hriattir.

Chhiat tawk ten lawmthu sawina thil pek tum zel hi

Tunlaia kan vengin chhiat kan tawk malh malh a, hetianga chhiat han tawh changa nu leh pa thenkhatten YMA-ah an lawm em avang pawh a ni ang, eng emaw thil pek pek an tum tlat thin hi ngaihtuah tha tha hle mai.

Eng emaw vanga chhungkuain chhiat han tawh a, YMA ten chet ngaihna zawn zawngah theih tawka min han ṭanpui hi chuan a lawmawm thin lah tak reng a ni. Tu emaw nei deuhin chhiat an tawh changa eng emaw thil an pek hi, chhiat tawk ve dangten thil tih ngei ngei turah ngaih a tha lem lo hle a ni. YMA-te hian chhiat tawkte ṭanpui hi kan tihtur a ni a, chhiat tawk chhungte hian lawmthu sawina thil pek pek hi in ba lo tih i hre thar vek ang u.

MHIP

□ Ni 7.10.2013 (Thawhṭan) aṭangin kum 2013 Session II-na Tailoring/ Handsome Training ṭan a ni leh dawn a. Instructress pawh lak fel tawh niin, Tailoring-ah Pi Lalrinsangi, Chanmari West leh Handloom-ah Pi Lalrinpui, Chaltlang te lak an ni.

□ Ni 2.10.2013 (Nilaini) khan Upate ni hmanpui tura MUP te sawmna an hmuh angin OB ten an hmanpui a, Branch Vice President Pi PC Chuaudinglani'n lawmpuina tha tak a sawi bahak lawmpuina pawisa fai ₹ 1,000 an hlan bawk.

□ Ni 3.10.2013 (Ningani) zana Branch Executive Meeting chuan Chanmari West Sporting Club-te MPL khel tura inbuatsaihna tul leh mamawha hman atan ₹ 5,000 pek ni se an ti a. Tin, MPF Committee, Chanmari West ten MLA Election lo awm tura senso tur sum mamawh ₹ 1,000 thawh tura an ngen pawh pek nghal an remti bawk.

ZOFA

□ Ni 9.10.2013 (Nilai) hian Folk Song Festival-a tel turin an inbuatsaih mek a, hla zir nan phal taka in hmantirtu Pu K Rochungnunga (V-sect) te chhungkaw chungah lawmthu an sawi.

□ Darbu zirna hun an hawng mek.
□ Member tharte tan lam zirna hun siam thuai an tum a, zir theuh turin an member tharte an sawm.

CHANGE A LO THLENG TA!!

Battery leh Inverter Company hrang hrang Sukam, Exide, Amaron ah te hian Authorised Dealer kan ni a, Four Wheeler leh Two Wheeler Battery pawh kan nei reng e.

Tin, Electric hniat that leh sang that a i TV, Fridge, Xerox leh khawl dang alo him zawk theih nan Stabilizer tha rawn en ve rawh le.

Telephone Box leh EPABX (Intercom) tleng in kan nei bawk e.

MIN RAWN PAN VE RAWH LE..!

S.R ENTERPRISE

Motor Parts & Accesories

Vauivakawn, Chanmari 'W' peng

Contact: 8414096004/
9615990920 / 8794422844

Proprietor : Zohmangaiha

CWSC FOOTBALL

□ Ni 10.10.2013 (Ninga) zan dar 7:30 hian MPL -ah Chanmari FC nen an khel dawn a, veng chhung mipuite ṭawiawmna an ngen.

□ 9th National Junior Football Championship-a khel an player Lalruatpuia (Mama) leh Vanlalbiaa Chhangte Champion Nomawi nena an rawn haw chu an chhuang hle.

□ Ni 5.10.2013 (Inrin) zan khan an player-te mipui hmaah ropui takin an tlangzarh.

□ Lengpua Club player-te hmuah nana motor hmantirtu Pu F Zosanga leh banner siam nana ₹ 500 petu Tv H Hmingthansanga te chungah lawmthu an sawi.

BPL Chanmari West Hriattirna

Mizoram sawrkar Princiapl Secretary, UD&PA hova meeting-in a rel angin Aizawl khawpui chhunga BPL chhungkua Branch Account la nei lo zawng zawngin an chenna aṭanga hnai leh remchang berah Bank Account neih vek tur a ni.

Tin, Bank Account nei tawh sa leh hawng thar zawng zawngte Account Number Bank hming BPL Chairman emaw Secretary hnenah in report tur a ni ang.

State Bank of India a Personal Account Insuarance Scheme (PAIS) hnuia Account neitu in a tlembur ah kumtin ₹ 100 aia tlemlo a dah thin chuan vanduai thilah Accident vangin lo boral palh anih pawhin Insurance ₹ 2,00,000 (nuaihnih) a rokhawmtuin a dawng thei ang.

PHYSIOTHERAPY DISCOUNT

Saitika, Kawng na, Nghawng na, Tha na, Tha tawm, Dar na, Khup na, Tihrawl na, Pangkhang zeng, Sports injury, Hmai sawi, Nerve tha lo leh a kaihhnawih natnate chu khawl chi hrang hrang hmangin October thla chhung hian 25% discount-in kan enkawl thei e.

In entir hun :

Thawhṭan aṭanga Inrini

Zing : 6:30am - 9:00am

Tlai : 1:30pm - 5:30pm

Aizawl Physiotherapy Clinic
Chanmari kawn,
Chanmari Presbyterian Biak In bul
Ph. : 2347456 / 985690775
(2-1)

CONFERENCE KAL TURTE HRIAT TUR

Kum 2013 YMA General Conference October ni 15-17 chhunga Khawbunga neih tura member kal tura in report zawng zawngte kal thei vek turin Branch YMA chuan a ngai a, Bus pahnih biak fel tawh niin bus hire man a tam tham deuh avangin member kal tura in hriattir zawng zawngten kal man atan ₹ 300 thawh vek tur a ni a, October ni 6 (Pathianni) ral hmain Branch Secretary Tv Zairemmawia hnenah pek vek tur a ni e.

LOCAL COUNCIL

□ Veng chhungah ui leh ar khuahkhirh reng a ni a, chhunginte mahni ranvulh enkawl tha tur leh khuahkhirh turin an hriattir nawn leh.

□ Chanmari West Football Club-in Mizoram Premier League (MPL) an khelh turah duhsakna sang ber an hlan.

Keimahni

Kan NEWS Editor Pu Mapuia a damlo, kan ngai hle. Editorial Board-in vawiin tlai hian kan tur a ni e.

MERGE COMPUTER CENTRE

Course Offered

(1) Software Course (2) Hardware Course (3) Video Editing.
(4) Tally. (5) Visual Basic

Free Internet Course & Guide book

Gov't Approved & Member Institution of MCIOA
Opp. RD Office, Chanmari.
Aizawl. Ph. 9862358347 / 9774569327

CHESTER ENTERPRISE

Vaivakawn, Near SBI

T. Shirt Printing, Jersey number leh hming print, Invitation Card, Envelope Printing etc. Silk Creen hmangin kan print thei reng e.

Self Ink Seal urgent in kan siam thei bawk e.

Contact : 9774399056
Hriata, Neuva Section